




春秋左氏傳

五六

□ 12  
2960  
3



春秋左傳卷五

盡十五年

僖公

名申，莊公之弟，閔公之父母。成風諡法：小心畏忌曰僖。

元年春王正月齊師宋師曹伯次于聶北救邢

齊帥諸侯之師救邢，次于聶北，者案兵觀。夏六月，

邢遷于夷儀。齊師宋師曹師城

邢。傳例曰：救患，分災，禮也。一事而再。秋七月戊辰

夫人姜氏薨于夷，齊人以歸。傳在閔二年，不言齊

楚人伐鄭。號曰楚。八月公會齊侯宋公鄭伯

曹伯邾人于榿。榿，宋地，陳國陳縣西北，有榿城。公

及其會而不書盟，還不以盟告。

12  
2860  
3

九月公敗邾師于偃偃邾地冬十月壬午公子友帥

師敗莒師于鄆鄆魯地獲莒挈弟者非卿非卿則不應書

嘉季友之功故特書其所獲大夫十有二月丁巳

夫人氏之喪至自齊傳公請而葬之故告於廟而

其尸歸絕之於魯傳公請其喪而還不稱姜闕文

**傳**元年春不稱即位公出故也國亂身出復入故即位之禮有關

公出復入不書諱之也諱國惡禮也掩惡揚善義存君親故通

有諱例皆當時臣子率意而隱故無深淺常諸侯

救邢實大夫而曰諸侯總衆國之辭邢人潰出奔師奔聶北之師也邢潰不書

不告具還之無師遂逐狄人具邢器用而遷之師無私焉皆

伯救患分災討罪禮也侯伯州長也分穀帛秋楚人伐鄭鄭

即齊故也盟于犂謀救鄭也犂即榿也地有二名九月公敗

邾師于偃虛丘之戎將歸者也虛丘邾地邾人既送哀姜還齊人殺

之因成虛丘欲以侵魯公以義求齊齊送冬莒人

來求賂求還慶父之賂公子友敗諸鄆獲莒子之弟挈非

卿也嘉獲之也莒既不能為魯討慶父受魯之賂而又重來其求無厭故嘉季友之

獲而公賜季友汶陽之田及費汶陽田汶水北地汶水出泰山萊蕪

左傳 卷五

縣西夫人氏之喪至自齊君子以齊人之殺哀姜也為已甚矣女子從人者也言女子有三從之義在夫家有罪非父母

家所宜討也

**經**二年春王正月城楚丘楚丘衛邑不言夏五月

平已葬我小君哀姜無傳反哭成喪故稱虞師晉

師滅下陽下陽號邑在河東大陽縣晉於秋九月

齊侯宋公江人黃人盟于貫貫宋地梁國蒙縣西北有貫城貫與貫字

相似江國在汝南安陽縣冬十月不雨傳在三年楚人侵鄭

**傳**二年春諸侯城楚丘而封衛焉君死國滅故傳言却不書

所會後也諸侯既罷而魯後至諱不及期故以獨城為文晉荀息請以屈

產之乘與垂棘之璧假道於虞以伐虢荀息荀叔也屈地生

良馬垂棘出美玉故以為各四馬公曰是吾寶也

對曰若得道於虞猶外府也公曰宮之奇存焉宮之

奇虞忠臣對曰宮之奇之為人也不能強諫也懦弱

且少長於君君暱之雖諫將不聽親而狎之必輕其言乃使

荀息假道於虞曰冀為不道入自顛軫伐鄭三門

前是冀伐虞至鄭鄭虞邑河冀之既病則亦唯君

故言虞報伐冀使病將欲假道故稱虞彊以說其心冀國各平陽皮氏縣東北有冀亭今虢

為不道，保於逆旅。逆旅，客舍也。號稍遣人，分以侵。

敝邑之南鄙，敢請假道，以請罪于號。問號伐已，以何罪。虞

公許之，且請先伐號。喜於厚賂，而欲求媾。宮之奇諫不聽，遂

起師，夏，晉里克荀息帥師，會虞師，伐號，滅下陽。猶晉

主兵不先書虞賂，故也。虞非倡兵之首，而秋盟于

貫，服江黃也。江黃，楚與國也。始來，齊寺人貂始漏

師于多魚。寺人，內奄官。豎貂也多魚地，各闕齊桓

貂易牙之等，終以此亂國。傳言貂於此號公敗戎

于桑田。桑田，號地在弘。農，夾縣，東北。晉卜偃曰：號必亡矣。亡下

陽，不懼而又有功，是天奪之鑿。鑿，所以而益其疾

也。驕則生疾，則必易晉而不撫其民矣，不可以五稔也。稔，熟也。

下五年晉冬，楚人伐鄭，鬬章囚鄭聃伯。經書侵，傳

伐與權行，侵掠為後年楚伐鄭，鄭伯欲成，張本

經：三年春，王正月，不雨；夏四月，不雨。一時不雨，則

日不日旱徐人取舒。無傳，徐國在下邳，僮縣東南

不為災六月，雨。示旱不秋，齊侯宋公江人

黃人會于陽穀。陽穀，齊地，在東冬，公子友如齊，涖

盟。涖，臨也。楚人伐鄭。

傳也。

**傳**三年春不雨夏六月雨自十月不雨至于五月

不日旱不為災也周六月夏四月於播種五稼無損秋會于陽穀

謀伐楚也二年楚齊侯為陽穀之會來尋盟冬公

子友如齊涖盟公時不會陽穀故齊侯自陽穀遣人詣魯求尋盟魯使上卿詣齊受

也盟謙楚人伐鄭鄭伯欲成孔叔不可曰齊方勤我

也孔叔鄭大夫棄德不祥祥善齊侯與蔡姬乘舟于

園蕩公蔡姬齊侯夫人蕩搖也公懼變色禁之不

可公怒歸之未之絕也蔡人嫁之為明年齊

**經**四年春王正月公會齊侯宋公陳侯衛侯鄭伯

許男曹伯侵蔡蔡潰民逃其上曰潰遂伐楚次于

陘遂兩事之辭楚強齊欲緩之以德故不速夏許

男新臣卒未同盟而楚屈完來盟于師盟于召陵

屈完楚大夫也楚子遣完如師以觀齊屈完觀齊

之盛因而求盟故不稱使以完來盟為文齊桓退

舍以禮楚故盟召齊人執陳轅濤塗陳大夫秋及

陵召陵潁川縣也齊人執陳轅濤塗陳大夫秋及

江人黃人伐陳受齊命討陳之罪而以與謀為文

宣七年八月公至自伐楚無傳告葬許穆公冬十有

二月公孫茲帥師會齊人宋人衛人鄭人許人曹

人侵陳公孫茲叔牙子叔孫戴伯

左傳卷五

**傳**四年春齊侯以諸侯之師侵蔡蔡潰遂伐楚楚

子使與師言曰君處北海寡人處南海唯是風馬

牛不相及也楚界猶未至南海因齊處北海遂稱

不虞君之涉吾地也何故管仲對曰昔召康公

命我先君大公召康公周太保召公奭也曰五侯九伯女實征

之以夾輔周室五等諸侯九州之伯皆得征賜我

先君履東至于海西至于河南至于穆陵北至于

無棣穆陵無棣皆齊竟也履所踐履爾貢包茅不

入王祭不共無以縮酒寡人是徵包裹束也茅菁

之以酒為縮酒尚書包軌菁茅茅之為異未審昭王南征而不復寡人是

問昭王成王之孫南巡守涉漢船壞而溺對曰貢

之不入寡君之罪也敢不共給昭王之不復君其

問諸水濱昭王時漢非楚竟故不受罪師進次于陘楚不服罪

夏楚子使屈完如師如陘之師觀強弱師退次于召陵齊侯

齊侯陳諸侯之師與屈完乘而觀之乘共載齊侯

曰豈不穀是為先君之好是繼與不穀同好如何

言諸侯之附從非為已乃尋先君之好謙而對曰

君惠徼福於敝邑之社稷辱收寡君寡君之願也

齊侯曰以此眾戰誰能禦之以此攻城何城不克

對曰君若以德綏諸侯誰敢不服君若以力楚國

方城以為城漢水以為池方城山在南陽葉縣南以言竟土之遠漢水出

武都至江夏南入江言其險固以當城池雖眾無所用之屈完及諸侯

盟陳轅濤塗謂鄭申侯曰師出於陳鄭之間國必

甚病申侯鄭大夫當有共給之費故若出於東方觀兵於東夷循

海而歸其可也東夷郊莒徐夷也觀兵示威申侯曰善濤塗以

告齊侯許之許出東方申侯見曰師老矣若出於東方

而遇敵懼不可用也若出於陳鄭之間共其資糧

屣履其可也屣草屣齊侯說與之虎牢還以鄭賜之執轅

濤塗秋伐陳討不忠也以濤塗為誤軍道許穆公卒于師

葬之以侯禮也男而以侯禮加一等凡諸侯薨于朝會加一

等諸侯命有三等公為上等侯伯中等子男為下等死王事加二等謂以死勤

於是而有以袞斂袞衣公服也謂加二等冬叔孫戴伯帥師

會諸侯之師侵陳陳成歸轅濤塗陳服罪故歸其大夫戴諡也

初晉獻公欲以驪姬為夫人卜之不吉筮之吉公

曰從筮卜人曰筮短龜長不如從長物生而後有象象而後有

滋滋而後有數龜象筮數故象長數短且其繇曰專之渝攘公之瑜



隸，卜兆辭，渝變也。攘，除也。一薰一蕕，十年尚猶有

臭，薰香也。蕕，臭草。十年有必不可弗聽立之，生奚

齊其娣生卓子，及將立奚齊，既與中大夫成謀，姬

謂大子曰：君夢齊姜，必速祭之。

齊姜，大子母，言未食。大子祭

于曲沃，歸胙于公，公田。姬寘，諸宮六日，公

至，毒而獻之。

毒酒，經宿輒敗。而公祭之地，地墳與

天，犬斃，與小臣。小臣亦斃，姬泣曰：賊由大子。大子

奔新城，公殺其傅杜原款，或謂太子子辭，君

必辯焉。

以六日之狀自理。大子曰：君非姬氏，居不安，食不

飽，我辭，姬必有罪。君老矣，吾又不樂。

吾自理，則姬死，則君

必不樂，不樂為由，吾也。曰：子其行乎？太子曰：君實不察其罪，

被此名也。以出人誰納我？十二月戊申，縊于新城。

姬遂譖二公子，曰：皆知之。重耳奔蒲，夷吾奔屈。

時在詔為明年。晉殺申生傳。

**經**五年春，晉侯殺其世子申生。

稱晉侯惡用，杞伯

姬來朝其子，無傳。伯姬來寧，寧成風也。朝其子者，

行，朝義而卒，不成朝禮。故繫於母而曰朝其子。

夏，公孫茲如牟，叔孫戴伯

非君命不越竟，故奉公。命聘於牟，因自為逆。公及齊侯、宋公、陳侯、衛侯

鄭伯許男曹伯會王世子于首止惠王太子鄭也

之也首止衛地陳留襄邑縣東南有首鄉秋八月諸侯盟于首止間無事

復稱諸侯者王世子不盟故也王之世子尊與王同齊桓行霸翼戴天子尊崇王室故殊貴世子

鄭伯逃歸不盟逃其師而歸也楚人滅弦弦子奔

黃茲國在弋陽軹縣東南九月戊申朔日有食之無冬晉人

執虞公虞公會璧馬之寶距絕忠諫稱人以執同於無道於其民之例例在成十五年所以

罪虞且言易也晉侯脩虞之祀而歸其職貢於王故不以滅同姓為譏

**傳**五年春王正月辛亥朔日南至周正月今十一月冬至之日

極南公既視朔遂登觀臺以望而書禮也視朔親告朔也觀臺

臺上構屋可以遠觀者也朔旦冬至歷數之所始治歷者因此則可以明其術數審別陰陽敘事訓

民魯君不能常脩此禮故善公之得禮凡分至啓閉必書雲物分春也至冬至夏至也啓立春立夏閉立秋立冬雲物氣

色災變也傳重申周典不言公者日官掌其職為備故也素察妖祥晉侯使以殺大子申生之故

來告釋經必須告乃書初晉侯使士蔿為二公子築蒲與

屈不慎寘薪焉不謹夷吾訴之公使讓之謹讓士

蔿稽首而對曰臣聞之無喪而感憂必讎焉讎猶對也

無戎而城讎必保焉保而寇讎之保又何慎焉守

官廢命不敬固讎之保不忠失忠與敬何以事君

詩云懷德惟寧宗子惟城詩大雅懷德以安則宗子之固若城君其

脩德而固宗子何城如之言城不如三年將尋師

焉焉用慎尋用也退而賦曰狐裘危葦一國三公吾

誰適從士為自作詩也危葦亂貌公與二公子為

之則為固讎不忠無及難公使寺人披伐蒲重耳

曰君父之命不校乃徇曰校者吾讎也踰垣而走

披斬其袪遂出奔翟袪袂也夏公孫茲如牟娶焉因聘

而娶故傳實其事會于首止會王太子鄭謀寧周也惠王

后故將廢太子鄭而立王子帶故陳轅宣仲怨鄭齊桓帥諸侯會王太子以定其位

申侯之反己於召陵宣仲轅濤塗故勸之城其賜邑桓

所賜曰美城之大名也子孫不忘吾助子請乃為

之請於諸侯而城之美樓櫓之備美設遂諧諸鄭伯曰美

城其賜邑將以叛也申侯由是得罪為十七年鄭殺申侯傳秋

諸侯盟王使周公召鄭伯曰吾撫女以從楚輔之

以晉可以少安周公宰孔也王恨齊桓定太子之位故召鄭伯使叛齊也晉楚不服

於齊故以鎮安鄭鄭伯喜於王命而懼其不朝於齊也故

逃歸不盟孔叔止之曰國君不可以輕輕則失親

孔叔鄭大夫親黨援也失親患必至病而乞盟所喪多矣君

必悔之弗聽逃其師而歸楚鬪穀於菟滅弦弦子

奔黃於是江黃道柏方睦於齊皆弦姻也姻外親也道國

設備故亡晉侯復假道於虞以伐虢宮之奇諫曰

虢虞之表也虢亡虞必從之晉不可啓寇不可翫

車相依唇亡齒寒者其虞虢之謂也輔頰輔車牙車公曰

晉吾宗也豈害我哉對曰大伯虞仲大王之昭也

大伯不從是以不嗣大伯虞仲皆大王之子不從父命俱讓適吳仲雍支子別

季之穆也王季者大伯虞仲之母弟也穆仲號叔王

為文王卿士勲在王室藏於盟府盟府司將號

是滅何愛於虞且虞能親於桓莊乎其愛之也桓

莊之族何罪而以為戮不唯偏乎桓叔莊伯之族晉獻公之從祖

親以寵偏猶尚害之況以

國乎公曰吾享祀豐絜神必據我據猶對曰臣聞

之鬼神非人實親惟德是依故周書曰皇天無親

惟德是輔周書逸書又曰黍稷非馨明德惟馨馨香之遠聞

封西吳虞公其後也穆生昭昭生穆以世次計故大伯虞仲於周為昭

王季之子文王之母弟也仲叔皆號君

字

盟府司將號

晉獻公之從祖

據猶對曰臣聞

馨香之遠聞

周書逸書

又曰黍稷非馨明德惟馨

馨香之遠聞

又曰民不易物惟德繫物黍稷牲玉無德則不見

而異如是則非德民不和神不享矣神所馮依將

狂德矣若晉取虞而明德以薦馨香神其吐之乎

弗聽許晉使宮之奇以其族行也行去曰虞不臘矣

臘歲終祭衆神之各在此行也晉不更舉矣不更舉兵八月甲午

晉侯圍上陽上陽號國都在弘農陝縣東南問於卜偃曰吾其濟

乎對曰克之公曰何時對曰童謠云丙之晨龍尾

伏辰龍尾尾星也日月之會曰辰辰日在尾故尾星伏不見均服振振取虢之

旂戎事上下同服振振盛貌旂軍之旌旗鶉之賁賁天策焯焯火中

成軍號公其奔鶉鶉火星也賁賁鳥星之體也天策傳說星時近日星微焯焯無光

推也言丙子平旦鶉火中軍事有成功也此已上皆童謠言也童讖之未有念慮之感而會成嬉

戲之言似若有馮者其言或中或否博覽之士能懼思之人兼而志之以為鑒戒以為將來之驗有

益於世教其九月十月之交乎以星驗推之知九月十月之交謂夏之九月十月之交

月也交晦朔交會丙子曰日在尾月在策是夜日月合朔於尾月行疾故

至日而鶉火中必是時也冬十二月丙子朔晉滅

虢號公醜奔京師不書不告也周十師還館于虞

遂襲虞滅之執虞公及其大夫井伯以媵秦穆姬

秦穆姬晉獻公女送而脩虞祀且歸其職貢於王

虞所命祀故書曰晉人執虞公罪虞且言易也

**經**六年春王正月夏公會齊侯宋公陳侯衛侯曹

伯伐鄭圍新城新城鄭新密今榮陽密縣秋楚人圍許楚子不親圍以

圍者告諸侯遂救許皆伐鄭之諸侯故不復更欽冬公至自伐鄭

無傳

**傳**六年春晉侯使賈華伐屈夷吾不能守盟而行

賈華晉大夫非不欲校力不能守言不如重耳之賢將奔狄卻芮曰後出同

走罪也嫌與重耳同謀而相隨不如之梁梁近秦而幸焉乃

之梁以梁為秦所親幸秦既大國且穆始在焉故欲因以求入夏諸侯伐鄭以

其逃首止之盟故也首止盟在五年圍新密鄭所以不特

城也實新密而經言新密者鄭以非時與上功齊桓聲其罪以告諸侯秋楚子圍

許以救鄭諸侯救許乃還冬蔡穆侯將許僖公以

見楚子於武城楚子退舍武城猶有忿志而諸侯各罷兵故蔡將許君歸楚武城楚

地宛縣北許男面縛銜璧大夫衰絰士輿觀縛手於後

夫對曰昔武王克殷微子啓如是微子啓紂庶兄未之祖也武

王親釋其縛受其璧而被之被除凶之禮焚其觀禮而

命之使復其所楚子從之

**經**七年春齊人伐鄭夏小邾子來朝無傳邾，魯來始得王命而

來朝也邾之別鄭殺其大夫申侯申侯鄭卿專利而不厭故稱名

以殺罪之也秋七月公會齊侯宋公陳世子款鄭

世子華盟于甯母高平方與縣東有泥母亭音如甯曹伯班卒無傳

五年同盟公子友如齊無傳罷盟而聘謝不敏也冬葬曹昭公

傳無

**傳**七年春齊人伐鄭孔叔言於鄭伯曰諺有之曰

心則不競何憚於病憚難也既不能彊又不能弱

所以斃也國危矣請下齊以救國公曰吾知其所

由來矣姑少待我欲以申侯說對曰朝不及夕何以待

君夏鄭殺申侯以說于齊且用陳轅濤塗之譖也

濤塗，譖在五年初申侯申出也姊妹之出有寵於楚文王文

王將死與之璧使行曰唯我知女女專利而不厭

予取予求不女疵瑕也從我取從我求我後之人

將求多於女謂嗣君也求多以禮義大望責之女必不免我死女

必速行無適小國將不女容焉政狹峻既葬出奔鄭

又有寵於厲公子文聞其死也曰古人有言曰知

臣莫若君弗可改也已秋盟于甯母謀鄭故也管

仲言於齊侯曰臣聞之招攜以禮懷遠以德攜離也

德禮不易無人不懷齊侯脩禮於諸侯諸侯官受

方物諸侯官司各於齊受其方所當貢天子之物鄭伯使大子華聽命

於會言於齊侯曰洩氏孔氏子人氏三族實違君

命三族鄭大夫若君去之以為成我以鄭為內臣君亦

無所不利焉以鄭事齊如封內臣齊侯將許之管仲曰君以

禮與信屬諸侯而以姦終之無乃不可乎子父不

奸之謂禮守命共時之謂信守君命共時事違此二者姦

莫大焉公曰諸侯有討於鄭未捷今苟有釁從之

不亦可乎子華犯父命是其釁隙對曰君若緩之以德加之

以訓辭而帥諸侯以討鄭鄭將覆亡之不暇豈敢

不懼若總其罪人以臨之總將領也子華奸父之命即罪人鄭有

辭矣何懼以大義為辭且夫合諸侯以崇德也會而列

姦何以示後嗣列姦用子華夫諸侯之會其德刑禮義

無國不記記姦之位位會位也子華為姦人而列在會位將為諸侯所記君

盟替矣替廢也作而不記非盛德也君舉必書雖復齊史隱諱亦損

德盛德君其勿許鄭必受盟夫子華既為大子而求介

於大國以弱其國亦必不免介因鄭有叔詹堵叔



師叔三良為政未可間也齊侯辭焉子華由是得

罪於鄭冬鄭伯使請盟于齊以齊侯不聽子華故閏月惠王

崩襄王惡大叔帶之難襄王惠王大子鄭也大叔帶襄王弟惠后之子也

寵於惠后惠后欲立之未及而卒懼不立不發喪而告難于齊為

年盟

**經**八年春王正月公會王人齊侯宋公衛侯許男

曹伯陳世子款盟于洮王人與諸侯盟不譏者鄭

伯乞盟新服未與會故不夏狄伐晉秋七月禘于

大廟用致夫人禘三年大祭之名大廟周公廟致者致新死之主於廟而列之昭穆

有二月丁未天主崩實以前年閏月崩以今年十二月丁未告

**傳**八年春盟于洮謀王室也鄭伯乞盟請服也襄

王定位而後發喪王人會洮還晉里克帥師梁由

靡御虢射為右以敗狄于采桑傳言前年事也平陽北屈縣西南有

采桑津梁由靡曰狄無恥從之必大克不恥走里克

曰懼之而已無速眾狄恐怨深而虢射曰期年狄

必至示之弱矣夏狄伐晉報采桑之役也復期月

明期年秋禘而致哀姜焉非禮也凡夫人不薨于

之言驗

左傳

卷五

夫入淫而與殺不薨於寢於禮不應致故僖冬十

公疑其禮歷三禘今果行之嫌異常故書之

夫入淫而與殺不薨於寢於禮不應致故僖冬十

有二月丁未天主崩實以前年閏月崩以今年十二月丁未告

寢不殯于廟不赴于同不祔于姑則弗致也寢不

同盟將葬又不以殯過廟據經哀姜薨葬之文則為殯廟赴同祔姑今當以不薨于寢不得致也

冬王人來告喪難故也是以緩有大叔宋公疾大

于茲父固請曰目夷長且仁君其立之茲父襄公也目夷茲

父庶兄公命子魚子魚辭曰能以國讓仁孰大焉

子魚也臣不及也且又不順立庶不順禮遂走而退

**經**九年春王三月丁丑宋公御說卒四同盟夏公會

宰周公齊侯宋子衛侯鄭伯許男曹伯于葵丘周

宰孔也宰官周采地天子三公不字宋子襄公也傳例曰在喪公侯曰子陳留外黃縣東有葵丘

秋七月乙酉伯姬卒無傳公羊穀梁曰未適人故

禮書不復殤也婦人許嫁而笄猶丈夫之冠九月戊辰諸侯盟于葵丘

夏會葵丘次伯姬卒文不相比故重言諸侯宰孔先歸不與盟甲子晉侯佹諸卒

未同盟而赴以各甲子九月十一日戊辰十五日也書在盟後從赴冬晉里克殺其

君之子奚齊獻公未葬奚齊未成君故稱君之子

**傳**九年春宋桓公卒未葬而襄公會諸侯故曰子

凡在喪王曰小童公侯曰子在喪未葬也小童者

繼父之辭公侯位尊上連王者下絕伯子男周康王在喪稱子一人釗禮稱亦不言小童或所稱之

辭各有所施此謂王自稱之辭非諸下所得夏會

書故經無其事傳通取舊典之文以事相接

于葵丘尋盟且脩好禮也王使宰孔賜齊侯胙祭

肉尊之此曰天子有事于文武有祭事也使孔賜伯舅

胙天子謂異姓諸侯曰伯舅齊侯將下拜孔曰且有後命天子

使孔曰以伯舅耄老加勞賜一級無下拜十七日

也對曰天威不遠顔咫尺言天鑒察不遠威嚴常在顔面之前八寸曰咫

小白余敢貪天子之命無下拜小白齊侯各余身也恐隕越

于下隕越顛墜也據天王居以遺天子羞敢不下

拜下拜登受拜堂下受胙於堂上秋齊侯盟諸侯于葵丘曰

凡我同盟之人既盟之後言歸于好義取脩好故傳顯其盟辭

宰孔先歸既會先遇晉侯曰可無會也晉侯欲來會葵丘

齊侯不務德而勤遠略故北伐山戎在在二南伐

楚在四西為此會也東略之不知西則否矣言或向東

必不能復西略其在亂乎君務靖亂無勤於行在存也微

晉將有亂晉侯乃還不復會齊九月晉獻公卒里克不鄭欲

納文公故以三公子之徒作亂平鄭晉大夫二公

初獻公使荀息傅奚齊公疾召之曰以是藐諸孤

言其幼賤與諸子縣藐辱在大夫其若之何欲屈辱荀息使保護之稽

首而對曰臣竭其股肱之力加之以忠貞其濟君

在存也

之靈也不濟則以死繼之公曰何謂忠貞對曰公

家之利知無不為忠也送往事居耦俱無猜貞也

往死者居生者耦兩也送死及里克將殺奚齊先

告荀息曰二怨將作三公之子秦晉輔之子將何如

荀息曰將死之里克曰無益也荀叔曰吾與先君

言矣不可以貳能欲復言而愛身乎荀叔荀息也復言言可復

也雖無益也將焉辟之且人之欲善誰不如我我

欲無貳而能謂人已乎言不能止里克使冬十月

里克殺奚齊于次次喪書曰殺其君之子未葬也

荀息將死之人曰不如立卓子而輔之荀息立公

子卓以葬十一月里克殺公子卓于朝荀息死之

君子曰詩所謂白圭之玷尚可磨也斯言之玷不

可為也詩大雅言此言之荀息有焉有此詩人齊

侯以諸侯之師伐晉及高梁而還討晉亂也高梁

在平陽令不及魯故不書前已發不書例今復重

晉卻芮使夷吾重賂秦以求入卻芮卻克祖曰人

實有國我何愛焉言國非己之有何入而能民土

於何有從之能得民不齊隰朋帥師會秦師納晉

惠無也

惠公陽明齊大夫秦伯謂卻芮曰公子誰恃對曰

臣聞亡人無黨有黨必有讎言夷吾無黨無黨則無讎易出易入以微

勸夷吾弱不好弄弄戲也能鬪不過有節制長亦不改

不識其他公謂公孫枝曰夷吾其定乎公孫枝秦大夫子桑

也對曰臣聞之唯則定國詩曰不識不知順帝之

則文王之謂也詩大雅帝天也則法也言文王間行自然合天之法又曰不

僭不賊鮮不為則僭過差也賊傷害也皆忌克無能不然則可為人法則

好無惡不忌不克之謂也今其言多忌克既僭而賊難

哉言能自定難公曰忌則多怨又焉能克是吾利也其言

雖多忌適足以自害不能勝人也宋襄公即位以

公子目夷為仁使為左師以聽政於是宋治故魚

氏世為左師

經十年春王正月公如齊無傳狄滅溫溫子奔衛

國之狄滅而居其土地晉里克弒其君卓及其大夫荀息弒卓

在前年而以今春書者從赴也獻公既葬卓已免喪故稱君也荀息稱名者雖欲復言本無遠謀從

君於昏夏齊侯許男伐北戎無傳北戎晉殺其大夫里

克奚齊者先君所命卓子又以在國嗣位罪未為無道而里克親為三怨之主累弒二君故稱各

以罪秋七月冬大雨雪無傳平地尺為大雪

**傳**十年春狄滅溫蘇子無信也蘇子叛王即狄又

不能於狄狄人伐之王不救故滅蘇子奔衛蘇子周司

寇蘇公之後也國於溫故曰溫子叛王事在莊十九年夏四月周公忌父王

子黨會齊陽毋立晉侯周公忌父周卿士晉侯殺

里克以說自解說將殺里克公使謂之曰微子則

不及此雖然子弑一君與一大夫為子君者不亦

難乎對曰不有廢也君何以興欲加之罪其無辭

乎言欲加已罪不患無辭臣聞命矣伏劍而死於是不鄭聘

于秦且謝緩賂故不及不鄭里克黨以在秦晉侯

改葬共太子共太子申生也秋狐突適下國下國曲沃新城遇大

子太子使登僕忽如夢而相見狐突本為而告之

曰夷吾無禮余得請於帝矣請於帝夷吾將以晉畀秦秦

將祀余對曰臣聞之神不歆非類民不祀非族君

祀無乃殄乎歆饗也殄絕也且民何罪失刑乏祀君其圖

之君曰諾吾將復請七日新城西偏將有巫者而

見我焉新城曲沃也許之遂不見狐突許其言申

及期而往告之曰帝許我罰有罪矣敝於韓敝敗也韓

晉地獨敝惠公故言罰有罪明不復以晉畀秦夷吾已忘克多怨終於失國雖改葬加謚申生猶念傳

言鬼神所為平鄭之如秦也言於秦伯曰呂甥卻

稱冀芮實為不從若重問以召之三子晉大夫不與秦賂問

聘問之幣臣出晉君君納重耳蔑不濟矣蔑無也冬秦伯

使冷至報問且召三子冷至秦大夫卻芮曰幣重而言

甘誘我也遂殺平鄭祁舉祁舉晉大夫及七輿大夫伯

七命副車七乘左行共華右行賈華叔堅騅欽纍虎特宮

山祁皆里平之黨也七子七輿大夫平豹奔秦平豹平子言

於秦伯曰晉侯皆大主而忌小怨民弗與也伐之

必出大主秦也小怨里平公曰失眾焉能殺謂殺里平之黨違禍誰

能出君謂豹避禍也為明

**經**十有一年春晉殺其大夫平鄭父以私怨謀亂

書春夏公及夫人姜氏會齊侯于陽穀無傳婦人送迎不出

門見兄弟不踰闕與秋八月大雩無傳過時故書冬楚人

伐黃

**傳**十一年春晉侯使以平鄭之亂來告釋經書天

王使召武公內史過賜晉侯命天王周襄王召武公周卿士內史過

周大夫諸侯即位天子賜之命圭為瑞受玉悔過歸告王曰晉侯其

無後乎王賜之命而惰於受瑞先自棄也已其何

繼之有禮國之幹也敬禮之與也不敬則禮不行

禮不行則上下昏何以長世為惠公不終張本夏揚拒泉

臯伊雒之戎同伐京師入王城焚東門皆揚拒泉臯

諸雜戎居伊水雒水之間者今伊闕北有泉亭王子帶召之也王子帶甘昭公也召

我欲因秦晉伐我以救周秋晉侯平戎于王為二

年天王出居鄭傳黃人不歸楚貢冬楚人伐黃黃人恃齊故

**經**十有二年春王三月庚午日有食之無傳不書朔官失之

夏楚人滅黃秋七月冬十有二月丁丑陳侯杵臼

卒無傳遣世子與偃公同盟齊母及洮

**傳**十二年春諸侯城衛楚丘之郭懼狄難也楚丘衛國

都郭郭也為明年春狄侵衛傳黃人恃諸侯之睦于齊也不共楚

職曰自郟及我九百里焉能害我夏楚滅黃郟楚都

王以戎難故討王子帶王子帶前年召戎伐周秋王子帶奔齊

冬齊侯使管夷吾平戎于王使隰朋平戎于晉和平

也前年晉救周伐戎故戎與周晉不和王以上卿之禮饗管仲管仲

辭曰臣賤有司也有天子之二守國高在國子高天子

所命為齊守臣皆上卿也莊二十二年高侯始見經僖二十八年國歸父乃見傳歸父之父曰懿仲

高侯之子曰莊下不知今當誰也若節春秋來承王命何以禮焉



節時陪臣敢辭諸侯之臣王曰舅氏伯舅之使余

嘉乃勲應乃懿德謂督不忘往踐乃職無逆朕命

以勲美德可謂正而不可忘者不言位而言職者管仲位卑而執齊政故欲以職尊之管仲

受下卿之禮而還管仲不敢以職自禮君子曰管氏

之世祀也宜哉讓不忘其上詩曰愷悌君子神所

勞矣詩大雅愷樂也悌易也言樂易君子為神所勞來故世祀也管仲之後於齊沒不復見傳

亦舉其無驗

經十有二年春狄侵衛傳托前年春夏四月葬陳宣公

無傳公會齊侯宋公陳侯衛侯鄭伯許男曹伯于鹹

鹹衛地東郡濮陽縣東南有鹹城秋九月大雩無傳書過冬公子友如

齊無傳

傳十三年春齊侯使仲孫湫聘于周且言王子帶

前年王子帶奔齊言欲復之事畢不與王言不言子帶事歸復命曰

未可王怒未怠其十年乎不十年王弗召也夏會

于鹹淮夷病杞故且謀王室也秋為戎難故諸侯

戍周齊仲孫湫致之戍守也致諸侯戍卒于周冬晉荐饑麥禾皆不

使乞糴于秦秦伯謂子桑與諸乎對曰重施而

報君將何求言不損秦重施而不報其民必攜攜而討

焉無眾必敗不義故謂百里與諸乎百里秦大夫對曰

天災流行國家代有救災恤鄰道也行道有福平

鄭之子豹在秦請伐晉欲為父報怨秦伯曰其君是惡

其民何罪秦於是乎輸粟于晉自雍及絳相繼秦

國都絳命之曰汎舟之役從渭水運入河汾

經十有四年春諸侯城緣陵緣陵杞邑辟淮夷遷都于緣陵夏六

月季姬及鄆子遇于防使鄆子來朝季姬魯女鄆夫人也鄆于

本無朝志為季姬所召而來故言秋八月辛卯沙

鹿崩沙鹿山名平陽元城縣東有沙鹿土山在晉地災害繫於所災所害故不繫國狄侵

鄭無傳冬蔡侯肸卒無傳未同盟而赴以名

傳十四年春諸侯城緣陵而遷杞焉不書其人有

闕也闕謂器用不具城池未固而去為惠不終也澶淵之會既而無歸大夫不書而國別稱人

今此總曰諸侯君臣之辭不言城杞杞未遷也鄆季姬來寧公怒止之以

鄆子之不朝也來寧不書而後年書歸鄆更嫁之文也明公絕鄆昏既來朝而還

夏遇于防而使來朝秋八月辛卯沙鹿崩晉卜偃

日期年將有大咎幾亡國國主山川山崩川竭亡國之徵冬秦饑

使乞糴于晉晉人弗與慶鄭曰背施無親慶鄭晉大夫

幸災不仁貪愛不祥怒鄰不義四德皆失何以守

國號射曰皮之不存毛將安傳號射惠公舅也皮以喻釋言既背秦施為怨以深雖與之糴猶無皮而施毛

孰恤之無信患作失援必斃是則然矣號射曰無

損於怨而厚於寇不如勿與言與秦粟不足解怨適足使秦強慶

鄭曰背施幸災民所棄也近猶讎之况怨敵乎弗

聽退曰君其悔是哉

**經**十有五年春王正月公如齊無傳諸侯五年再相朝禮也例在文

年十五楚人伐徐三月公會齊侯宋公陳侯衛侯鄭

伯許男曹伯盟于牡丘牡丘地各闕遂次于匡匡衛地

伯許男曹伯盟于牡丘各闕遂次于匡匡衛地

長垣縣西南公孫敖帥師及諸侯之大夫救徐公孫敖慶父之

子諸侯既盟大夫皆遣大夫將夏五月日有食之

秋七月齊師曹師伐厲厲楚與國義陽隨縣北有厲鄉八月螽無傳

為九月公至自會無傳季姬歸于鄆此書者以明中絕

絕已卯晦震夷伯之廟夷伯魯大夫展氏之祖父夷謚伯字震者雷電擊之

大夫既卒書字冬宋人伐曹楚人敗徐于婁林婁林徐地

東南有婁亭十有一月壬戌晉侯及秦伯戰于韓獲晉

侯例得大夫曰獲晉侯背施無親懷諫違卜故取絕下從衆臣之例而不言以歸不書敗績晉師

崩不犬

傳十五年春楚人伐徐徐即諸夏故也三月盟于

牡丘尋葵丘之盟且救徐也葵丘盟在九年孟穆伯帥師

及諸侯之師救徐諸侯次于匡以待之夏五月日

有食之不書朔與日官失之也秋伐厲以救徐也

晉侯之入也秦穆姬屬賈君焉晉侯入在九年穆姬申生姊秦穆夫

人賈君晉獻公次妃賈女也且曰盡納羣公子羣公子晉武獻

曰驪姬之亂誚無畜羣公子晉侯悉於賈君又不納羣公子是

以穆姬怨之晉侯許賂中大夫中大夫國內執政里平等既而

皆肯之賂秦伯以河外列城五東盡虢略南及華

山內及解梁城既而不與河外河南也東盡虢略從河南而東盡虢界也

解梁城今河東解縣也華山在弘農華陰縣西南晉饑秦輸之粟在十年秦

饑晉閉之糴在十年故秦伯伐晉卜徒父筮之吉徒父

秦之掌龜卜者卜人而用筮不能通三易之占故據其所見雜占而言之涉河侯車敗

詰之秦伯之軍涉河則晉侯車敗也秦伯不解謂敗在己故詰之對曰乃大吉

也三敗必獲晉君其卦遇蠱三三與下艮上蠱曰千乘

三去三去之餘獲其雄狐夫狐蠱必其君也於周易利

涉大川往有事也亦秦勝晉之卦也今此所言蓋上筮書雜辭以狐蠱為君其義欲以喻晉惠公其

象未聞蠱之貞風也其悔山也內卦為貞外卦為悔巽為風秦象艮為山

晉歲云秋矣我落其實而取其材所以克也周九月夏

象之七月孟秋也艮為山山有木今歲已實落材亡

秋風吹落山木之實則材為人所取

不敗何待三敗及韓晉侯車晉侯謂慶鄭曰寇深

矣若之何對曰君實深之可若何公曰不孫上右

慶鄭吉弗使惡其不孫不以為車步揚御戎家僕

徒為右步揚卻乘小駟鄭入也鄭所獻馬慶鄭曰

古者大事必乘其產生其水土而知其人心安其

教訓而服習其道唯所納之無不如志今乘異產

以從戎事及懼而變將與人易變易人意亂氣狡憤陰

血周作張脉僨輿外疆中乾狡戾也僨動也氣發

身而作隨氣張動外雖進退不可周旋不能君必

悔之弗聽九月晉侯逆秦師使韓簡視師韓簡晉

孫萬之復曰師少於我鬪士倍我公曰何故對曰出

因其資謂奔梁入用其寵為秦饑食其粟三施而

無報是以來也今又擊之我怠秦奮倍猶未也公

曰一夫不可弑況國乎弑快也言辟遂使請戰曰

寡人不佞能合其眾而不能離也君若不還無所

逃命秦伯使公孫枝對曰君之未入寡人懼之入

而未定列，猶吾憂也。也列位苟列定矣，敢不承命。韓

簡退曰：吾幸而得囚。言得囚為幸，言必敗。壬戌，戰于韓原。九月

十三日晉戎馬還澗而止。澗，泥也。還，便旋也。小公號

慶鄭，慶鄭曰：復諫違下。復，戾也。固敗是求，又何逃焉。

遂去之。梁由靡御，韓簡、虢射為右，輅、秦伯將止之。

輅，迎也。鄭以救公誤之，遂失秦伯。秦獲晉侯以歸。

上獲也。經書十一月壬戌十四日，經從赴。晉大夫反首拔舍從之。反首，亂

垂也。拔，草舍。止，壞形。毀服。秦伯使辭焉，曰：二三子何其感也。寡

人之從君而西也，亦晉之妖夢是踐，豈敢以至。突

不寐而與神言，故謂之妖夢。申生言帝許罰，晉大有罪，今將晉君而西，以厭息，此語踐，厭也。晉大

夫三拜稽首曰：君履后土而戴皇天，皇天后土實

聞君之言，羣臣敢在下。風穆姬聞晉侯將至，以太

子營弘與女簡璧登臺而履薪焉。營，康公名。弘，其

弘，姊妹。古之宮闈者，皆居之。臺以抗絕之。穆姬欲

自罪，故登臺而荐之，以蘇左右上下者，皆履柴，乃

得使以免服，衰絰逆且告。免，衰絰遭喪之服。令行

將以取曰：上天降災，使我兩君匪以玉帛相見，而

以興戎。若晉君朝以入，則婢子夕以死；夕以入，則

朝以死。唯君裁之，乃舍諸靈臺。在二京兆，鄠縣。周之

令不得通外內大夫請以入公曰獲晉侯以厚歸也既而

喪歸焉用之若將晉侯入則夫人或自殺大夫其何有焉猶何

得且晉人感憂以重我謂反首拔舍天地以要我不圖

晉憂重其怒也我食吾言背天地也食消也重怒難

任背天不祥必歸晉君也任當也公子繫曰不如殺之

無聚慝焉公子繫秦大夫恐夷吾歸復相聚為惡子桑曰歸之而質

其大子必得大成晉未可滅而殺其君祇以成惡

也祇適也且史佚有言曰無始禍史佚周武王時大史名佚無怙亂

恃人亂為已利無重怒重怒難任陵人不祥乃許晉平晉

侯使卻乞告瑕呂飴甥且召之卻乞晉大夫也瑕呂飴甥即呂甥也

蓋姓瑕呂名飴甥字千金晉侯聞秦將許之平故告呂甥召使迎已子金教之言曰

朝國人而以君命賞恐國人不從故先賞之於朝且告之曰孤

雖歸辱社稷矣其上貳圉也貳代也圉惠公懷公眾皆哭

哀君不還國晉於是乎作爰田分公田之稅應入公者爰之於所賞之眾呂

甥曰君亡之不恤而羣臣是憂惠之至也將若君

何眾曰何為而可對曰征繕以輔孺子征賦也繕治也孺子

大子諸侯聞之喪君有君羣臣輯睦甲兵益多好

我者勸惡我者懼庶有益乎眾說晉於是乎作州

兵五黨為州州二千五百家也初晉獻公筮嫁伯

姬於秦遇歸妹三三兌下震上歸妹之睽三三兌下離上睽歸妹上

六變而史蘇占之曰不吉史蘇晉卜筮之史其繇曰士刳

羊亦無益也女承筐亦無貺也周易歸妹上六爻辭也益血也貺賜

也到羊七之功承筐女之職上六無應所求不獲故下刳無血上承無實不吉之象也離為中女震

為長男故西鄰責言不可償也將嫁女於西而遇不吉之卦故知有

責讓之言歸妹之睽猶無相也歸妹女嫁之卦睽乖離之象故曰無

不可報償震之離亦離之震二卦變而氣相通為雷為火為嬴

敗姬嬴秦姓姬晉姓震為雷離為火火動熾而害其母女嫁反害其家之象故曰為嬴敗姬

車說其輶火焚其旗不利行師敗于宗丘輶車下縛也丘

猶邑也震為車離為火上六爻在震則無應故車脫輶在離則失位故火焚旗言皆失車火之用也

車敗旗焚故不利行師火還歸妹睽孤寇張之孤

此睽上九爻辭也處睽之極故曰睽孤失位孤絕故遇寇難而有弓矢之警皆不吉之象

從姑震為木離為火火從木生離為震妹於火為姑謂我姪者我謂之姑謂子圍質秦六

年其逋逃歸其國而棄其家逋亡也家謂子圍婦懷嬴明年其

死於高粱之虛惠公死之明年文公入殺懷公于高粱高粱晉地在平陽楊氏縣西

南凡筮者用周易則其象可推非此而往則臨時占者或取於象或取於氣或取於時日王相以成

其占若盡附會以爻象則構虛而不經故略言其歸趣他皆放此及惠公在秦曰



先君若從史蘇之占，吾不及此夫。韓簡侍曰：龜象也。筮數也。物生而後有象，象而後有茲。茲而後有

數。先君之敗德，及可數乎？史蘇是占，勿從，何益？

以象示筮，以數告象。數相因而生，然後有占。占所以知吉凶，不能變吉凶，故先君敗德，非筮數所生。

雖復不從史蘇，不能益禍。詩曰：下民之孽，匪降自天，傅沓背憎。

職競由人。詩小雅言民之有邪惡，非天所降，傅沓背憎，皆人競所主作，因以諷

諫惠公有，以震夷伯之廟，罪之也。於是展氏有隱

慝焉。隱惡非法，所得尊貴，罪所不加，是以聖人因天地之變，自然之妖，以感動之，知達之主，則

識先聖之情，以自厲中下之主，亦信冬宋人伐曹妖祥，以不妄神道助教，唯此為深。

討舊怨也。莊十四年曹楚敗徐于婁林，徐恃救也。

十月，晉陰飴甥會秦伯盟于王城。陰飴甥，即

采於陰，故曰陰飴甥。王城，秦地，馮翊臨晉縣，東有王城，今名武鄉。秦伯曰：晉國和

乎？對曰：不和。小人耻失其君，而悼喪其親，痛其親為秦所

殺，不憚征繕，以立圍也。曰：必報讐，寧事戎狄。君子

愛其君，而知其罪，不憚征繕，以待秦命。曰：必報德。

有死無二。以此不和。秦伯曰：國謂君何？對曰：小人

感謂之不免。君子恕以為必歸。小人曰：我毒秦，秦

豈歸君？毒謂三君子曰：我知罪矣，秦必歸君，貳而

施不報。

執之服而舍之德莫厚焉刑莫威焉服者懷德貳  
 者畏刑此一役也言還惠公使諸侯威秦可以霸  
 納而不定廢而不立以德為怨秦不其然秦伯曰  
 是吾心也改館晉侯饋七牢焉牛羊豕各一蛾析謂  
 慶鄭曰盍行乎蛾析晉大夫也對曰陷君於敗謂呼不往  
 秦敗而不死又使失刑非人臣也臣而不臣行將  
 焉秦伯入十一月晉侯歸丁丑殺慶鄭而後入丁丑月二十九  
 是歲晉又饑秦伯又餼之粟曰吾怨其君而矜  
 其民且吾聞唐叔之封也箕子曰其後必大晉其

庸可冀乎唐叔晉始封之君武王之子箕子殷王帝乙之子紂之庶兄姑樹德焉  
 以待能者於是秦始征晉河東置官司焉征賦也

春秋左傳卷五

春秋左傳卷六 僖公盡二 十六年

春秋左傳卷六

僖公盡二 十六年



經 十有六年春王正月戊申朔隕石于宋五

隕落也

其隕視之石數之五各隨其間見先後而隕之也莊十七年星隕如雨見星之隕而隕於四遠若山若水不見在地之驗此則見在地之驗而不見始隕之星史各據事而書

是月六鷁退飛

過宋都 是月隕石之月重言是月嫌同日鷁水鳥高飛遇風而退宋人以爲災告於諸侯故

書三月壬申公子季友卒 無傳稱字者貴之夏四月丙申鄆季姬卒 無傳 秋七月甲子公孫茲卒 無傳 冬

十有二月公會齊侯宋公陳侯衛侯鄭伯許男邢

侯曹伯于淮 臨淮郡左右

十六年春隕石于宋五隕星也

但言星則嫌星使石隕故傳言

六鷁退飛過宋都風也

六鷁遇迅風而退飛風高不為物害故不記風

周內史叔興聘于宋宋襄公問焉曰是何祥也

吉凶焉在

祥吉凶之先見者襄公以為石隕對曰鷁退能為禍福之始故問其所宜在

今茲魯多大喪

今茲此歲明年齊有亂君將得諸侯而

不終

魯喪齊亂宋襄公不終別以政刑吉凶他占知之

退而告人曰君失

問是陰陽之事非吉凶所生也

言石隕鷁退陰陽錯逆所為非人所

凶由人吾不敢逆君故也

積善餘慶積惡餘殃故曰吉凶由人君問吉凶

生襄公不知陰陽而問人事故曰君失問叔興

自以對非其實恐為有識所譏故退而告人

不敢逆之故

假他占以對夏齊伐厲不克救徐而還

徐秋狄侵晉取狐厨受鏹涉汾及昆都因晉敗也

十五年齊伐厲以救

狐厨受鏹昆都晉二邑平陽臨汾縣西北有狐谷京汾木出大原南入河王以戎難告

于齊齊徵諸侯而戍周

十一年戎伐京師冬十一月乙卯鄭殺子華

月乙卯鄭殺子華

終管仲之言

十二月會于淮謀

鄆且東略也

鄆為淮夷所病故

城鄆役人病有夜登丘而

呼曰齊有亂不果城而還

役人遇厲氣不堪久駐故作妖言

經十有七年春齊人徐人伐莒氏夏滅項

項國今汝陰項

縣公在會別遣師滅項不言師諱之秋夫人姜氏會齊侯于卞

卞今魯國

九月公至自會公既見執于齊猶以會致者諱之冬十有二月

乙亥齊侯小白卒與僖公八同照赴以名

傳十七年春齊人為徐伐英氏以報婁林之役也

英氏楚與國婁林役在十五年夏晉太子圉為質於秦秦歸河東

而妻之秦征河東置官惠公之在梁也梁伯妻之

梁嬴孕過期過十月不產卜招父與其子卜之招

父梁其子曰將生一男一女招曰然男為人臣女

為人妾故名男曰闚女曰妾闚養馬者不聘曰妾及子圉西

質妾為宦女焉宦事秦為妾師滅項師魯准之會公有

諸侯之事未歸而取項淮會在前年冬諸侯之事會同講禮之事齊人

以為討而止公內諱執秋聲姜以公故會齊侯于

卞聲姜僖公夫人齊女九月公至書曰至自會猶有諸侯之

事焉且諱之也恥見執故託會以告廟齊侯之夫人三王姬

徐嬴蔡姬皆無子齊侯好內多內寵內嬖如夫人

者六人長衛姬生武孟武孟公少衛姬生惠公

元鄭姬生孝公昭公子葛嬴生昭公潘公子密姬生懿

公公子宋華子生公子雍華氏之女子姓公與管仲屬孝

公於宋襄公以為大子雍巫有寵於衛共姬因寺

難字

人貂以薦羞於公雍巫雍人名亦有寵公許之立

武孟易牙既有寵於公為管仲卒五公子皆求立

冬十月乙亥齊桓公卒乙亥月易牙入與寺人貂

因內寵以殺羣吏內寵內官之有權寵者而立公子無虧孝

公奔宋十二月乙亥赴辛巳夜殯六十七日乃殯

**經**十有八年春王正月宋公曹伯衛人邾人伐齊

納孝夏師救齊無傳五月戊寅宋師及齊師戰于靡

齊師敗績無虧既死曹衛邾先去魯亦罷歸故宋

日敗績狄救齊無傳救四秋八月丁亥葬齊桓公

靡齊地狄救齊公子之徒秋八月丁亥葬齊桓公

十一月而葬亂故冬邢人狄人伐衛狄稱人者史

八月無丁亥日誤異辭傳無義

**傳**十八年春宋襄公以諸侯伐齊三月齊人殺無

虧以說鄭伯始朝于楚中國無楚子賜之金既而

悔之與之盟曰無以鑄兵楚金故以鑄三鐘古者

為兵傳言楚齊人將立孝公不勝四公子之徒遂

與宋人戰無虧已死故夏五月宋敗齊師于鹹立

孝公而還秋八月葬齊桓公孝公立而冬邢人狄

人伐衛圍菟圃衛侯以國讓父兄子弟及朝衆曰

三傳卷六

苟能治之燬請從焉燬衛文公名衆不可不聽衛侯讓而後

師于訾婁陳師訾婁狄師還獨言狄還則邢留距衛言邢所以終為衛

所梁伯益其國而不能實也多築城邑而無民以實之命曰新

里秦取之

經十有九年春王三月宋人執滕子嬰齊稱人以執宋以

罪及民告例在成十五年傳例不書名皆從赴夏六月宋公曹

人邾人盟于曹南無傳曹雖與盟而猶不服不肯

而曰曹南所以鄆子會盟于邾不及曹南之盟諸侯既罷鄆乃會之

於邾故不巳西邾人執鄆子用之稱人以執宋以罪及民告也鄆

雖失大國會盟之信然宋用之為罰已虐故直書用之言若用畜產也不書社赴不及也不書宋使

邾而以邾自用為文南面之君秋宋人圍曹衛人善惡自專不得託之於他命

伐邢伐邢在圍曹前冬會陳人蔡人楚人鄭人盟

于齊地於齊齊亦與盟梁亡以自亡為文非取者之罪所以惡梁

傳十九年春遂城而居之承前年傳取新里故不復言秦也為此冬梁亡

宋人執滕宣公夏宋公使邾文公用鄆子于次睢

之社欲以屬東夷睢水受汴東經陳留梁譙沛彭城縣入泗此水次有妖神東夷

皆社祠之蓋司馬子魚曰古者六畜不相為用司馬

子魚公子目夷也六畜不相為用謂若祭馬先用馬小事不用大牲而況

敢用人乎祭祀以為人也民神之主也用人其誰

響之齊桓公存三亡國以屬諸侯魯衛邢義士猶

曰薄德謂欲因亂取今一會而虐二國之君宋公

以會召諸侯執滕子六月而會盟其月二又用諸

十二日執鄆子故云一會而虐二國之君淫昏之鬼非周社故將以求霸不亦難乎得死為幸其

亡秋衛人伐邢以報菟圃之役邢不速退所於是

衛大旱卜有事於山川不吉有祭也甯莊子曰昔周

飢克殷而年豐今邢方無道諸侯無伯伯長也天其

或者欲使衛討邢乎從之師興而雨宋人圍曹討

不服也曹南盟不修地主之禮故子魚言於宋公曰文王聞崇

德亂而伐之軍三旬而不降崇崇侯虎退脩教而復伐

之因壘而降復往攻之備不詩曰刑于寡妻至于

兄弟以御于家邦詩大雅言文王之教自近及遠寡妻嫡妻謂大妣也刑法也

今君德無乃猶有所闕而以伐人若之何盍姑內

省德乎無闕而後動陳穆公請脩好於諸侯以無

忘齊桓之德冬盟于齊脩桓公之好也宋襄暴虐故思齊桓

梁亡不書其主自取之也不書取梁者主各初梁伯好土

功亟城而弗處民罷而弗堪則曰某寇將至乃溝



公宮溝曰秦將襲我民懼而潰秦遂取梁

**經**二十年春新作南門魯城南門也本名稷門傳公更高大之今猶不與諸

門同改各高門也言新以易舊夏郟子來朝無傳

五月乙巳西宮災無傳西宮公別宮也天火曰災例在宣十六年鄭人

入滑入例在襄秋齊人盟于邢冬楚人伐隨

**傳**二十年春新作南門書不時也失土功之時凡啓塞

從時門戶道橋謂之啓城郭牆塹謂之塞皆官民之開閉不可一日而闕故特隨壞時而治之

今僖公修飾城門非開閉之急故以土功之制譏之傳嫌啓塞皆從土功之時故別起從時之例

滑人叛鄭而服於衛夏鄭公子士洩堵寇帥帥入

滑公子士鄭文公子洩堵寇鄭大夫秋齊狄盟于邢為邢謀衛難

也於是衛方病邢隨以漢東諸侯叛楚冬楚鬬穀

於菟帥師伐隨取成而還君子曰隨之見伐不量

力也量力而動其過鮮矣善敗由已而由人乎哉

詩曰豈不夙夜謂行多露詩召南言豈不欲早暮而行懼多露之濡已以

喻違禮而行必有汗辱是亦量宜相時而動之義宋襄公欲合諸侯臧文

仲聞之曰以欲從入則可屈已之欲從衆之善以入從欲鮮

濟為明年鹿上盟傳

**經**二十有一年春狄侵衛無傳為邢故宋人齊人楚人

盟于鹿上鹿上宋地汝陰有原鹿縣夏大旱雪不獲雨

故書旱自夏及秋宋公楚子陳侯蔡侯鄭伯許男

曹伯會于孟孟宋地楚始與中執宋公以伐宋不

楚執宋公者宋無德而爭盟為諸冬公伐邾無傳

侯所疾故總見眾國其執之文為邾

滅須楚人使宜申來獻捷無傳獻宋捷也不言宋

不異年從可知不稱楚十有二月癸丑公會諸侯

盟于薄釋宋公諸侯既與楚共伐宋宋服故為薄

故書公會諸侯二十一年春宋人為鹿上之盟以求諸侯於楚

楚人許之公子目夷曰小國爭盟禍也宋其亡乎

幸而後敗謂軍夏大旱公欲焚巫尫巫尫女巫也

者或以為尫非巫也瘠病之人其面上向俗謂天

哀其病恐雨人其鼻故為之旱是以公欲焚之

臧文仲曰非旱備也修城郭貶食省用務穡勸分

穡儉也勸分此其務也巫尫何為天欲殺之則如

勿生若能為旱焚之滋甚公從之是歲也饑而不

害不傷秋諸侯會宋公于孟子魚曰禍其在此乎

君欲已甚其何以堪之於是楚執宋公以伐宋冬

會于薄以釋之子魚曰禍猶未也未足以懲君為

左傳 卷六

十二年任宿須句顓臾風姓也實司大皞與有濟

戰泓傳任司主也大皞伏羲四國伏羲之後故主其祀

之祀任今任城縣也顓臾在泰山南武陽縣東北

須句在東平須昌縣西北以服事諸夏與諸夏同

邾人滅須句須句子來奔因成風也須句成風

為之言於公曰崇明祀保小寡周禮也明祀大皞

也保安蠻夷猶夏周禍也此邾滅須句而曰蠻夷昭

崇皞濟而修祀紓禍也紓解也為明年伐邾傳

二十有二年春公伐邾取須句須句雖別國而

為魯私屬若顓臾之比魯謂之社稷之臣故滅

奔及其君皆略不備書唯書伐邾取須句

宋公衛侯許男滕子伐鄭秋八月丁未及邾人戰

于升陘升陘魯地邾人縣公胄于魚門故冬十有

一月己巳朔宋公及楚人戰于泓宋師敗績泓水

伐鄭楚救之故戰也楚告命

不以主帥人數故略稱人

傳二十二年春伐邾取須句反其君焉禮也得恤

禮之三月鄭伯如楚夏宋公伐鄭子魚曰所謂禍在

此矣怒鄭至楚故伐初平王之東遷也周幽王為

平王嗣立故辛有適伊川見被髮而祭於野者辛

東遷洛邑

左傳 卷六

周大夫伊川曰不及百年此其戎乎其禮先亡矣

被髮而祭秋秦晉遷陸渾之戎于伊川允姓之戎居陸渾在秦晉西北二國誘而徙之伊川遂從戎號至今為陸渾縣也計此去辛有過百年而云不及百年傳舉其事驗不晉大子圉為質於秦將逃歸謂嬴氏必其年信

曰與子歸乎嬴氏秦所妻子圉懷嬴也對曰子晉大子而辱於

秦子之欲歸不亦宜乎寡君之使婢子侍執中櫛

婢子婦人以固子也從子而歸棄君命也不敢從

之卑稱也亦不敢言遂逃歸傳終史蘇之占富辰言於王曰請召大

叔富辰周大夫大叔王子帶十二年奔齊詩曰協比其鄰昏姻孔云

詩小雅言王者為政先和協近親則昏姻甚相歸附也鄰猶近也孔甚也云旋也

吾兄弟之不協焉能怨諸侯之不睦王說王子帶自齊復歸於京師王召之也傳終仲孫湫之言也為二邾人以須句故出師公卑邾不設備而禦之也甲小邾

文仲曰國無小不可易也無備雖眾不可恃也詩曰戰戰兢兢如臨深淵如履薄冰詩小雅言常戒懼又曰

敬之敬之天惟顯思顯明也思猶辭也命不易哉周頌言有國宜

也況我小國乎君其無謂邾小蠹蠹有毒而況國

也

也

也

也

也

也

也

乎弗聽八月丁未公及邾師戰于升陘我師敗績

邾人獲公胄縣諸魚門門邾城門楚人伐宋以救

鄭宋公將戰大司馬固諫曰天之棄商久矣君將

興之弗可救也已大司馬固莊公之孫公孫固也言君與天所棄必不可不如救

楚勿弗聽冬十一月己巳朔宋公及楚人戰於泓

宋人既成列楚人未既濟未盡渡司馬曰子魚彼

衆我寡及其未既濟也請擊之公曰不可既濟而

未成列又以告公曰未可既陳而後擊之宋師敗

績公傷股門官殲焉門官守門者師行則在君左右殲盡也國人皆

咎公公曰君子不重傷不禽一毛一毛頭白有二色古之

爲軍也不以阻隘也不以阻隘以求勝寡人雖亡國之餘

宋商紂之後不鼓不成列詐勝子魚曰君未知戰勅敵

之人隘而不列天贊我也勅強也言楚在險隘不

阻而鼓之不亦可乎猶有懼焉雖因阻擊之猶恐不勝且今

之勅者皆吾敵也雖及胡者獲則取之何有於二

毛今之勅者謂與吾兢者胡者元老之稱明耻教戰求殺敵也明設刑戮

以耻傷未及死如何勿重言尚能若愛重傷則如

勿傷愛其二毛則如服焉言苟不欲傷殺敵則本可不須關三軍

以利用也為利金鼓以聲氣也鼓以佐士利而用

之阻隘可也聲盛致志鼓儼可也儼巖未丙子晨

鄭文夫人芊氏姜氏勞楚子於柯澤楚子還過鄭

芊氏楚女姜氏齊女也柯澤鄭地楚子使師緝示之俘馘師緝楚

俘所得囚馘所截耳君子曰非禮也婦人送迎不出門見兄

弟不踰閭閭門限戎事不邇女器邇近也器物也言

物丁丑楚子入饗于鄭為鄭所饗九獻用上公之禮九

庭實旅百庭中所陳品數百也加邊豆六品食物六品加於

器饗畢夜出文芊送于軍取鄭二姬以歸二姬文

叔詹曰楚王其不沒乎不以為壽終為禮卒於無別無別

不可謂禮將何以沒是以諸侯知其不遂霸也楚

子所以師敗城濮終為商臣所弑

經二十有三年春齊侯伐宋圍緡緡宋邑高平昌

城樂夏五月庚寅宋公茲父卒二同盟秋楚人伐陳冬

十有一月杞子卒傳例曰不書各未同盟也杞入

至此用夷禮貶稱子

傳二十三年春齊侯伐宋圍緡以討其不與盟于

齊也十九年盟于齊以無忘桓公之德而未夏五

獨不會復召齊人共盟鹿上故今討之

月宋襄公卒傷於弘故也終于魚之言秋楚成得

臣帥師伐陳討其貳於宋也成得臣子玉也遂取焦夷城

頓而還焦今譙縣也夷一名城父今譙郡城父子

文以為之功使為令尹叔伯曰子若國何叔伯楚大夫

呂臣也以為子玉不任令尹對曰吾以靖國也夫有大功而無

貴仕貴仕貴位其人能靖者與有幾言必矜功為亂不可不賞九月

晉惠公卒經在明年從赴懷公命無從亡人懷公子圉期

期而不至無赦狐突之子毛及偃從重耳在秦弗

召偃子犯也冬懷公執狐突曰子來則免未期而執突以不召子故

與音預  
幾連下有

管書資

對曰子之能仕父教之忠古之制也策名委質貳

乃辟也名書於所臣之策屈膝而君今臣之子名

在重耳有年數矣若又召之教之貳也父教子貳

何以事君刑之不濫君之明也臣之願也淫刑以

逞誰則無罪臣聞命矣乃殺之卜偃稱疾不出曰

周書有之乃大明服周書康誥言君能大明則民服已則不明而

殺人以逞不亦難乎民不見德而唯戮是聞其何

後之有言懷公必無後於晉為十一月杞成公卒

書曰子杞夷也成公始行夷禮以終其身故於卒貶之杞實稱伯仲尼以文貶稱子

故傳言書曰不書名未同盟也凡諸侯同盟死則

赴以名禮也隱七年已見今重發不書名者疑降爵故也此凡又為國史承告而書例

赴以名則亦書之謂未同盟不然則否謂同盟而告辟不

敏也敏猶審也同盟然後告名赴者之禮也承赴然後書策史官之制也內外之宜不同故傳

重詳其義晉公子重耳之及於難也晉人伐諸蒲城在

蒲城人欲戰重耳不可曰保君父之命而享其

生祿享受也保猶恃也於是乎得人以祿致衆有人而校罪莫

大焉校報也吾其奔也遂奔狄從者狐偃趙衰衰趙

顛頡魏武子武子魏犢司空季子晉臣曰季也時狐毛賈佗皆從而獨舉此

五人賢而有大功狄人伐虜咎如虜咎如赤狄之別種也隗姓獲其二

女叔隗季隗納諸公子公子取季隗生伯僚叔劉

以叔隗妻趙衰生盾盾趙宣子將適齊謂季隗曰待我

二十五年不來而後嫁對曰我二十五年矣又如

是而嫁則就木焉言將死入木不復成嫁請待子處狄十二

年而行以五年奔狄至過衛衛文公不禮焉出於

五鹿五鹿衛地今衛縣西北有地名五鹿乞食於野人

野人與之塊公子怒欲鞭之子犯曰天賜也得土有國

之祥故以稽首受而載之及齊齊桓公妻之有馬

為天賜



二十乘四馬為乘公子安之從者以為不可將行

謀於桑下齊桓既卒知孝蚕妾枉其上以告姜氏

姜氏殺之姜氏重耳妻恐孝公怒而謂公子曰子

有四方之志其聞之者吾殺之矣公子曰無之姜

曰行也懷與安實敗名公子不可姜與子犯謀醉

而遣之醒以戈逐子犯無去志及曹曹其公聞其

駢脅欲觀其裸浴薄而觀之薄迫也駢脅合幹倍負羈之

妻曰吾觀晉公子之從者皆足以相國若以相若

以為傳夫子必反其國反其國必得志於諸侯得志

與作其非

欲觀浴句

於諸侯而誅無禮曹其首也子盍蚤自貳焉自貳自別

異於乃饋盤飧寘璧焉臣無意外之交故用盤公

子受飧反璧及宋宋襄公贈之以馬二十乘贈送也

及鄭鄭文公亦不禮焉叔詹諫曰臣聞天之所啓

人弗及也啓開也晉公子有三焉天其或者將建諸

君其禮焉男女同姓其生不蕃蕃息也晉公子姬出

也而至于今一也太戎狐姬之離外之患出奔而

天不靖晉國殆將啓之二也有三士足以上入而

從之三也國語狐偃趙衰賈晉鄭同儕儕等也其過

子弟固將禮焉，況天之所啓乎？弗聽。及楚楚子饗之，曰：「公子若反晉國，則何以報？」不穀對曰：「子女玉帛，則君有之；羽毛齒革，則君地生焉。其波及晉國者，君之餘也，其何以報？」君曰：「雖然，何以報我？」對曰：「若以君之靈，得反晉國，晉楚治兵，遇於中原，其辟君三舍。若不獲命，其左執鞭弭，右屬橐鞬，以與君周旋。」  
楚止命也 其左執鞭弭，右屬橐鞬，以與君周旋。  
彈弓末無緣者橐，以受箭，鞬以受弓，屬著也。周旋，相追逐也。  
 王請殺之。  
畏其志大 楚子曰：「晉公子廣而儉，而有禮，其從者蕭而寬。」忠而能力，晉侯無親。

外內惡之。  
晉侯 吾聞姬姓，唐叔之後，其後衰者也。

其將由晉公子乎？天將興之，誰能廢之？違天必有

大咎，乃送諸秦。秦伯納女五人，懷嬴與焉。  
懷嬴，子圉諡懷公，故號為懷嬴。

秦晉匹也，何以卑我？  
匹，敵也。 公子懼，降服而囚。  
去上，自

他日，公享之。子犯曰：「吾不如衰之文也。」  
謝之，以

請使衰從。公子賦《河水》。  
朝宗于海，海喻秦。

賦《六月》。  
六月，詩小雅道尹吉甫佐宣王征伐，喻公于還晉，必能匡王國，古者禮會，因古詩以見意，故言賦詩斷章也。其全稱詩篇者，多取首章之義，他皆放此。 趙衰曰：「重耳拜。」

一說河水當河水矣

賜公子降拜稽首公降一級而辭焉下階一級辭公子稽首

衰曰君稱所以佐天子者命重耳重耳敢不拜詩首

章言匡王國次章言佐天子故趙衰因通言之為明年秦伯納之張本

**經**二十有四年春王正月夏狄伐鄭秋七月冬天

王出居于鄭襄王也天子以天下為家故所莊稱居天子無外而書出者譏王蔽於匹

夫之孝不顧天下之重因其辟晉侯夷吾卒  
文公母弟之難書出言其自絕於周

而後告未同書唯晉侯則懷公子也

**傳**二十四年春王正月秦伯納之不書不告入也

納重耳也及河子犯以壁授公子曰臣負羈絻從君巡

於天下羈馬羈臣之罪甚多矣臣猶知之而況君

乎請由此亡公子曰所不與舅氏同心者有如白

水子犯重耳舅也言與舅氏同心之明如投其壁

于河質信于河濟河圍令狐入桑泉取白衰桑泉在河東解縣西

解縣東南有白城二月甲午晉師軍于廬柳懷公遺軍距重耳秦

伯使公子繫如晉師師退軍于郇解縣西北有郇城辛丑

狐偃及秦晉之大夫盟于郇壬寅公子入于晉師

丙午入于曲沃丁未朝于武宮文公之祖武公廟在曲沃戊申使

殺懷公于高粱不書亦不告也懷公奔高粱高粱在平陽楊縣西南

再發不告者言外諸侯入及呂卻畏偪呂甥卻芮

見殺亦皆須告乃書于策故畏為文將焚公宮而弑晉侯寺人披請見公使

讓之且辭焉辭不見曰蒲城之役在五年君命一宿女

即至即日其後余從狄君以田渭濱田獵女為惠公

來求殺余命女三宿女中宿至雖有君命何其速

也夫祛猶在披所斬文女其行乎對曰臣謂君之

入也其知之矣知君人若猶未也又將及難君命

無二古之制也除君之惡唯力是視蒲人狄人余

何有焉當二君世君為蒲狄今君即位其無蒲狄

乎齊桓公置射鉤而使管仲相乾時之役管仲君

若易之何辱命焉言君反齊桓已將行者甚衆豈

唯刑臣披奄人故公見之以難告告呂卻欲三月

晉侯潛會秦伯于王城己丑晦公宮火瑕甥卻芮

不獲公乃如河上秦伯誘而殺之晉侯逆夫人嬴

氏以歸秦穆公女秦伯送衛於晉三千人實紀綱

之僕新有呂卻之難國未輯睦故以兵衛又公初

晉侯之豎頭須守藏者也頭須一曰里是其出也

竊藏以逃文公盡用以求納之求納及入求見公

辭焉以沐謂僕人曰沐則心覆心覆則圖反宜吾  
 不得見也居者為社稷之守行者為羈縻之僕其  
 亦可也何必罪居者國君而讎匹夫懼者甚眾矣  
 僕人以告公遽見之以言棄小怨所以能安眾所狄人歸季隗于  
 晉而請其二子二子伯儵叔劉文公妻趙衰生原同屏括  
 樓嬰原屏樓三子之邑趙姬請逆盾與其母趙姬文公女也盾狄女叔  
 隗之子餘辭子餘趙衰字姬曰得寵而忘舊何以使人  
 必逆之固請許之來以盾為才固請于公以為嫡  
 子而使其三子下之以叔隗為內子而已下之之卿

嫡妻為內子皆非此年事蓋因狄人歸季隗遂終言叔隗晉侯賞從亡者介之  
 推不言祿祿亦弗及介推文公微臣之語助推曰獻公之子  
 九人唯君在矣惠懷無親外內棄之天未絕晉必  
 將有主主晉祀者非君而誰天實置之而二三子  
 以為己力不亦誣乎竊人之財猶謂之盜況貪天  
 之功以為己力乎下義其罪上賞其姦上下相蒙  
 也蒙欺難與處矣其母曰盍亦求之以死誰對對曰  
 尤而效之罪又甚焉且出怨言不食其食怨言謂上下相  
 蒙難其母曰亦使知之若何既不求之且欲令對與處

曰言身之文也身將隱焉用文之是求顯也其母

曰能如是乎與汝偕隱也偕俱遂隱而死晉侯求之

不獲以緜上為之田曰以志吾過且旌善人也旌表

河界休縣南鄭之入滑也滑人聽命入滑在師還

又即衛鄭公子士浪堵俞彌帥師伐滑堵俞彌王

使伯服游孫伯如鄭請滑二子周鄭伯怨惠王之

入而不與厲公爵也事在莊二又怨襄王之與衛

滑也怨王助衛故不聽王命而執二子王怒將以

狄伐鄭富辰諫曰不可臣聞之大上以德撫民無

疏也其次親親以相及也先親以及疏昔周公弔二

叔之不咸故封建親戚以藩屏周弔傷也咸同也

叔世疏其親戚以至管蔡邲霍魯衛毛聃邾雍曹

滕畢原鄆郇文之昭也十六國皆文王子也管國

河內山陽縣西畢國在長安邲晉應韓武之穆也

四國皆武王子應國在襄陽城父縣西南韓凡蔣

邢茅胙祭周公之胤也胤嗣也蔣在弋陽期思縣

郡燕縣西召穆公思周德之不類故糾合宗族于

成周而作詩類善也糾收也召穆公周卿士名虎

召采地扶風雍縣東南有召亭周厲

王之時周德衰微兄弟道缺召穆公于東都收曰

會宗族特作此周公之樂歌常棣詩屬小雅

常棣之華鄂不韡韡常棣棣也鄂然華外發不韡韡言韡韡以喻兄弟和睦

則強盛而有光輝韡韡然凡今之人莫如兄弟言致韡韡之盛莫如親兄弟

其四章曰兄弟鬩于牆外禦其侮鬩訟爭貌言內雖不和猶宜外

天子不忍小忿以棄鄭親其若之何庸勳親親之侵侮

近尊賢德之大者也庸用也即聾從昧與頑用囂

姦之大者也棄德崇姦禍之大者也崇聚鄭有平

惠之勳平王東遷晉鄭是依惠王出奔號鄭納之是其勳也又有厲宣之親

鄭始封之祖桓公友周厲王之子宣王之母弟七年殺

侯十六年殺寵子子華也二於諸姬為近道近當

四德具矣耳不聽五聲之和為聾目不別五色之

章為昧心不則德義之經為頑口不道忠信之言

為囂狄皆則之四姦具矣周之有懿德也猶曰莫

如兄弟故封建之當周公時故言其懷柔天下也

猶懼有外侮扞禦侮者莫如親親故以親屏周召

穆公亦云周公作詩召公今周德既衰於是乎又

渝周召以從諸姦無乃不可乎變周召親兄弟之道民未忘

禍王又興之前有子頹之亂中有叔其若文武何

言將廢文王弗聽使頹叔桃子出狄師大夫夏

狄伐鄭取櫟王德狄人將以其女為后富辰諫曰

不可臣聞之曰報者倦矣施者未厭施功勞也有勞則望報過

其狄固貪恠王又啓之女德無極婦怨無終婦女之志

近之則不知止足遠之則忿恚無已終猶已也狄必為患王又弗聽初甘

昭公有寵於惠后其昭公王子帶也食邑於河南縣西南有甘水惠后

將立之未及而卒昭公奔齊奔齊在十二年王復之在十二年

又通於隗氏隗氏王所立狄后王替隗氏替廢也頹叔桃

子曰我實使狄狄其怨我遂奉大叔以狄師攻王

王御士將禦之周禮王之御士十二人王曰先后其謂我何

先后惠后也誅大寧使諸侯圖之王遂出及坎飲

國人納之坎飲周地在河南鞏縣東秋頹叔桃子奉大叔以狄

師伐周大敗周師獲周公忌父原伯毛伯富辰原

皆采邑王出適鄭處於汜鄭南汜也在襄城縣南大叔以隗氏

居于溫鄭子華之弟子臧出奔宋十六年殺子華故好聚

鷓冠鷓鳥名聚鷓羽以鄭伯聞而惡之惡其服使

盜誘之八月盜殺之于陳宋之間君子曰服之不



通已其

衷身之災也

衷猶適也

詩曰彼已之子不稱其服

詩曹風刺

小人在位言彼人之德不稱其服

子臧之服不稱也夫詩曰自詒

伊感其子臧之謂矣

詩小雅詒遺也感憂也取其自遺憂

夏書曰地

平天成稱也

夏書逸書地平其化天

宋及楚平宋

成公如楚還入於鄭鄭伯將享之問禮於皇武子

皇武子對曰宋先代之後也於周為客天子有事

鄭焉有事祭宗廟也膳祭有喪拜焉

宋畏周喪王特拜謝之

豐厚可也鄭伯從之享宋公有加禮也

禮物事事加厚善鄭

能尊先代冬王使來告難曰不穀不德得罪於母弟之

寵子帶鄙在鄭地汜

鄙野也

敢告叔父

天子謂同姓諸侯曰叔父

臧文仲對曰天子蒙塵于外敢不奔問官守

王使簡師父告于晉使左鄆父告于秦

二子周大夫

天子無出書曰天王出居于鄭辟母弟之難也

天子凶服降名禮也

凶服素服降名稱不穀

鄭伯與

孔將鉏石甲侯宣多省視官具于汜

而後聽其私政禮也

得先君後禮

衛人將伐邢

禮至曰不得其守國不可得也

禮至衛大夫宋謂邢正卿國子

請昆弟仕焉乃往得仕

為明年減邢傳

經二十有五年春王正月丙午衛侯燬滅邢衛邢同姬

姓惡其親親相滅故稱名罪之夏四月癸酉衛侯燬卒無傳五宋

蕩伯姬來逆婦無傳伯姬魯女為宋大夫蕩氏妻也自為其子來逆稱婦姑存之辭

婦人越竟迎婦非禮故書宋殺其大夫無傳其事則未聞於例為大夫無罪故不稱名

秋楚人圍陳納頓子于頓頓迫於陳而出奔楚故楚圍陳以納頓子不言

遂明一事也子玉稱入從告葬衛文公無冬十有頓子不言歸與師見納故

二月癸亥公會衛子莒慶盟于洮洮魯地衛文公既葬成公不稱

爵者述父之志降名從未成君故書子以善之莒慶不稱氏求賜族

傳二十五年春衛人伐邢二禮從國子巡城掖以

赴外殺之正月丙午衛侯燬滅邢同姓也故名禮

至為銘曰余掖殺國子莫余敢止惡其不知耻詐以滅同姓而反

銘功於器秦伯師于河上將納王狐偃言於晉侯曰求

諸侯莫如勤王勤納王也諸侯信之且大義也繼文之

業而信宣於諸侯今為可矣晉文侯仇為平王使侯伯匡輔周室

卜偃卜之曰吉遇黃帝戰于阪泉之兆黃帝與神農之後姜

氏戰于阪泉之野勝之今得其兆故以為吉公曰吾不堪也文公自以為已當此

兆故曰對曰周禮未改今之王古之帝也言周德雖衰其

命未改今之周王自當帝兆不謂晉公曰筮之筮之遇大有三三乾

離上之睽三三兌下離上睽大有曰吉遇公用亨大有九三變而為睽

于天子之卦大有九三爻辭也二為三公而得位變而為兌兌為說得位而說故能為

王所宴戰克而王饗吉孰大焉言卜筮協吉且是卦也

方更總言二卦之義不繫于一爻天為澤以當日天子降心以逆

公不亦可乎乾為天兌為澤乾變為兌而上當離離為日日之在天垂曜在澤天子在

王說心在下是大有去睽而復亦其所也言去睽降心逆公之象

大有亦有天子降心之象乾尊離果降尊下卑亦其義也晉侯辭秦師而下辭

秦師使還順秦師使還順三月甲辰次于陽樊右師圍温大叔

左師逆王夏四月丁巳王入于王城取大叔于

温殺之于隰城戊午晉侯朝王王饗醴命之宥既

饗禮而設醴酒又加之幣帛以助歡也宥助也請隧弗許闕地通路曰

也諸侯皆曰王章也章顯王者與諸侯異未有代德而有二

王亦叔父之所惡也與之陽樊温原攢茅之田晉

於是始啓南陽在晉山南河陽樊不服圍之倉葛

呼曰蒼葛陽樊人德以柔中國刑以威四夷宜吾不敢

服也此誰非王之親姻其俘之也乃出其民取其

已秋秦晉伐郟都本在商密秦楚界上小楚鬪克

屈禦寇以申息之師戍商密鬪克申公子儀屈禦寇息公子邊商密郟

仲南曰隧未詳

別邑今南鄉丹水縣戍守也秦人過析隈入而係

輿人以圍商密昏而傅焉析楚邑一名白羽今南鄉析縣隈隱蔽之處係

縛輿人詐為克析得其囚俘者昏宵坎血加書偽

與子儀子邊盟者掘地為坎以埋盟之餘血加盟書其上商密人懼

曰秦取析矣戍人反矣乃降秦師秦師囚申公子

儀息公子邊以歸商密既降析戍亦敗故得囚二子楚令尹子玉

追秦師弗及不復言晉者秦為兵主遂圍陳納頓子于頓為

陳冬晉侯圍原命三日之糧原不降命去之謀出

也謀出也曰原將降矣軍吏曰請待之公曰信國之寶

也民之所庇也得原失信何以庇之所亡滋多退

一舍而原降遷原伯貫于冀伯貫周守原大夫也趙衰為原

大夫狐溱為温大夫狐溱狐毛之子衛人平莒于我十

用盟于洮修衛文公之好且及莒平也莒以元年酈之役怨

魯衛文公將平之未及而卒成公追成父志降名以行事故曰修文公之好晉侯問原

守於寺人勃鞞勃鞞披也對曰昔趙衰以壺飧從徑餒

而弗食言其廉且仁不忘君也徑猶行也故使處原從披言也衰雖有大功猶

簡小善以進之示不遺勞十二月盟于洮修衛文公之好且及莒平也杜注是也

經二十有六年春王正月己未公會莒子衛甯速

盟于向向，莒地。審，速，衛大夫莊子也。齊人侵我西鄙，公追齊師。

至鄆，弗及。公逐齊師，遠至齊地，故書之。齊北，穀，或縣，西有地名鄆下。夏，齊人伐

我北鄙。先使微者伐之。衛人伐齊，公子遂如楚乞

師。公子遂，魯卿也。乞，不保得之辭。秋，楚人滅夔，以夔子歸。夔，楚同姓，國今

建平種歸縣，夔有不祀之罪，故不譏楚滅同姓。冬，楚人伐宋，圍緡，公以楚

師伐齊，取穀。傳例曰：師能左右之，曰以。公至自伐齊。無傳。

**傳**二十六年春，王正月，公會莒茲平公。茲，不，時君之號。莒，夷。

無諡以號為稱。齊莊子盟于向，尋洮之盟也。洮，盟在齊師前年。

侵我西鄙，討是二盟也。夏，齊孝公伐我北鄙，衛人

伐齊，洮之盟故也。公使展喜犒師。勞齊師。使受命于

展禽。柳下惠。齊侯未入竟，展喜從之，曰：寡君聞君親

舉玉趾，將辱於敝邑，使下臣犒執事。言執事不齊敢斥尊。

侯曰：魯人恐乎？對曰：小人恐矣，君子則否。齊侯曰：

室如縣罄，野無青草，何恃而不恐？如，而也。時夏四月，今之二月野

物未成，故言居室而資糧縣盡。對曰：恃先王之命，

昔周公大股肱周室，夾輔成王，成王勞之，而賜

之盟，曰：世世子孫無相害也。載在盟府。載，載書也。大師

職之。職，主也。大公為大，師兼主司盟之官。桓公是以糾合諸侯而謀

其不協彌縫其闕而匡救其災昭舊職也及君即

位諸侯之望曰其率桓之功率循也我敝邑用不敢

保聚用此舊盟故曰豈其嗣世九年而棄命廢職

其若先君何君必不然恃此以不恐齊侯乃還東

門襄仲滅文仲如楚乞師襄仲居東門故以為氏

不滅孫見子玉而道之伐齊宋以其不臣也言其

事周室可以此夔子不祀祝融與鬻熊祝融高辛

楚之遠祖也鬻熊祝融之十一世楚人讓之對曰

我先王熊摯有疾鬼神弗赦而自竄于夔熊摯楚

疾不得嗣位故吾是以失楚又何祀焉廢其常祀

別封為夔子秋楚成得臣鬬宜申帥師滅夔以夔子歸成得

尹子玉也鬬宜申司馬子西也宋以其善於晉侯也重耳之出也

二十乘叛楚即晉冬楚令尹子玉司馬子西帥師伐

宋圍緡公以楚師伐齊取穀凡師能左右之曰以

左右謂進退在己寘桓公子雍於穀易牙奉之以為魯援

雍本與孝公爭立故使居穀以偏齊楚申公叔侯戍之為二十八年

去穀桓公之子七人為七大夫於楚言孝公不能撫公族

春秋左傳卷六



